

**Pagbasa at Pagsusuri
ng
Iba't Ibang Teksto
Tungo sa Pananaliksik**

**Modyul 4 – Ikaapat na Linggo
Unang Markahan**

**Tekstong Deskriptibo:
Isang Masining na Paglalarawan**

Ang **Modyul** na ito ay ginawa para sa mga mag-aaral na kumukuha ng Asignaturang Pagbasa at Pagsusuri ng Iba't Ibang Teksto Tungo sa Pananaliksik. Nakapokus ito sa pagtalakay sa Tekstong Deskriptibo at mga kaugnay na paksa na may kaugnayan dito.

Handa ka na bang alamin? Handa ka na bang sumagot sa mga tanong na may kaugnayan sa paksang tatalakayin sa araling ito? Kung gayon, simulan mo muna sa bahaging ito. Hayaan mo munang balikan ang mga natutunan sa naunang aralin bilang paghahanda sa susunod na aralin.




Balikan

Tinalakay sa nakaraang aralin ang Tekstong Impormatibo na kung saan ito ay nagbibigay ng impormasyon upang mapaunlad nito ang iba pang kasanayang pangwika gaya ng pagbabasa at pagtatala ng mga mahahalagang impormasyon mula sa mga tekstong binasa at sinuri. Maaring magkaiba ang mga tekstong impormatibo batay sa mga ekstruktura nito.

Samakatuwid, bukod sa istruktura, nararapat din na suriin ang kalidad ng teksto upang hindi masayang ang oras ng mambabasa sa isang tekstong hindi tugma sa ideyang nais matutunan ng mambabasa.

Mula sa mga dayagram at larawan na nasa ibaba, maipaliliwanag mo ba ang mga kahulugan, elemento, kakayahan at uri ng tekstong impormatibo batay sa iyong pang-unawa sa nakaraang aralin?





Tuklasin



Aralin 17: Kahulugan ng Tekstong Deskriptibo

Mahalaga ang paglalarawan sa teksto dahil sa mas nakatulong ito upang malawak na maintindihan ng mambabasa ang mga imahe na nais ipaisip o iparating ng manunulat. Nakakatulong ito upang mas malawak na mapagana ang imahinasyon ng mambabasa.

Ang tekstong deskriptibo ay nagtataglay ng mga kaukulang detalye sa katangian ng isang tao, lugar, bagay, o pangyayari. Ang tekstong ito ay laging sumasagot sa tanong na **Ano**. Ito ay nakabatay sa pandama tulad ng mga bagay na nakikita, naaamoy, nalalasaan, nahahawakan at naririnig. Nakabatay rin ito sa nararamdaman tulad ng bugso ng damdamin o personal na saloobin ng naglalarawan. Ang pinakahuling batayan sa paglalarawan ay batay sa obserbasyon ng mga pangyayari.

➤ “Sa Tekstong Deskriptibo, kahit hindi ka pintor ay makakabuo ka ng isang larawan gamit ang mga salitang magmamarka sa damdamin at isipan ng mambabasa. Upang mailarawan at mabigyang-buhay sa imahinasyon ng mambabasa ang isang tauhan, tagpuan, bagay, galaw o kilos, karaniwang gumagamit ang may-akda ng pang-uri at pang-abay.

➤ Ito ay isang uri ng paglalahad at naisasagawa sa pamamagitan ng mahusay na eksposisyon. Ang uri ng sulating ito ay nagpapaunlad ng kakayahan sa mag-aral na bumuo at maglarawan ng isang partikular na karanasan. Nagbibigay din ang sulating ito ng pagkakataon na mailabas ng mga mag-aaral ang masining na pagpapahayag. Ito ay naglalayong magsaad ng kabuuang larawan ng isang bagay, pangyayari o kaya naman ay magbigay ng isang konseptong biswal ng mga bagay, pook, tao o pangyayari. Layunin din ng paglalarawan ay makapagmalas sa isip ng tagapakinig o mambabasa ng isang malinaw at buong larawan o imahe matapos siyang makapagbasa.



1. Mahalagang kilalanin muna ang sariling kahinaan at kakayahan bago gumawa ng anumang desisyon o isakatuparan ang anumang tungkulin. Ilarawan ang iyong sarili sa isang talata. Ibigay ang iyong mga katangiang pisikal at iba pang katangian tulad ng pag-uugali, disposisyon, at pananaw.

-

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There are no margins, text, or other markings on the paper.



Tayahin

Quiz 4

A. Panuto: Isulat ang salitang letra o titik **K** kung ang pahayag ay ng nagbibigay ng impormasyon ayon sa pangkalahatang pagtingin o pangmalas. At **M** naman kung nagpapahayag ng isang buhay na larawan batay sa damdamin at pangalas ng may -akda

1. Maitim at malago ang buhok ni Luisa.
2. Ang hubog ng katawan ng mga modelo ay hugis gitara.
3. Ang hugis ng mga daliri ng isang babae ay mala-kandila.
4. Ang mga puno ay kulay berde .
5. Ang mga mahuhusay na mang-aawit ay may mala-anghel na tinig.

B. Panuto : Punan ang patlang upang mabuo ang diwa ng mga pangungusap. Piliin sa loob ng kahon ang wastong sagot

masistemang pananaw	karanasan at saloobin	paksang pinag-uusapan	pangungusap	Substitusyon
mas maayos at mas malinaw	Kohisyong Leksikal	sino o ano	panghalip	Parirala o sugnay

1. Ang Cohesive Devices sa Tekstong Deskriptibo ang ginagamit ng manunulat o naglalarawan upang magkaroon ng _____ na daloy ng kaisipan sa isang teksto.
2. Ang Reperensiya ay ang paggamit ng mga salitang maaring tumukoy sa _____.
3. Anapora kung kailangang bumalik sa teksto upang malaman kung _____ ang tinutukoy.
4. Ang Katapora nauna ang _____ at malalaman lamang kapag ipinagpatuloy ang pagbabasa
5. Ang _____ ay ang paggamit ng ibang salita na ipapalit aa halip na maulit ang salita.
6. Ang Ellipsis ay ang pagbabawas ng ibang parte _____ pero hindi mababawasan ang diwa.
7. Ang Pang-ugnay ang paggamit ng pag-ugnay na “at” para pag-ugnayin ang mga pangungusap _____.
8. Ang _____ ay ang mabibisang salita na ginagamit sa teksto para magkaroon ito ng kohesion.
9. Ang wika ay maaaring magkaiba ang paglalarawan ng isang tao, bagay pook, o pangyayari salig na rin sa _____ ng taong naglalarawan

10. Dapat magkaroon ng _____ sa paglalahad ng mga bagay na makatutulong upang mailalarawang ganap ang isang taong, bagay, pook o pangyayari.